

中國方志叢書·華中地方·第七七〇號

據

清·朱潼等修，徐彥楠等纂
清同治十一年補刊本

影印

江 西 省

安仁縣志

(二)

成文出版社有限公司印行

安仁縣志

學校志

學校明倫三代與共

孔聖道尊廟貌隆重

列聖褒崇輝生雲棟訓飭諄諄

綸音迭奉翼之書院鷺湖鹿洞省會豫章肄業咨送我邑

龍門敢云伯仲同一養賢以儲

國用

推恩廣額英才益眾棧樸菁莪追蹤雅頌立學校門

學校

學用

補遺附

卷

學校志

書院

田

賓興田

卷資田附

耕思勸睦也本益聚以爲善非徒聚非歛之也門

園田

銷門煩之俗軒同一養資以料

餘音長本覽之書新舊時風師各會新章秋業各盡好品

既寧寧學戰士之射供養諸品

其學進也而勝初年

學射田附之田以共

學射志

史記志

安仁縣志卷十八

學校

建國君民教學爲先自宋迄明天下州郡縣徧立黌宮特尊

至聖先師釋菜而釋奠焉我

朝崇儒重道二仲丁祭七額

細音舞用六佾樂奏六章禮制之隆度越千古其中設齋舍聚生徒董以師儒優以廩餼藏修游息佑啓人文將有如湯文清桂文襄者聯鑣接踵皆自庠序中來也宮牆桃李濟美前徽竊於安有厚望焉志學校

文廟 宋建炎間知縣汪杞始創於治東之育才坊元邑人

倫堂明洪武二年堂為野火燬時邑人周子尚為教諭知

縣李思信閭弼繼修堂始成八年知縣蘇璜於堂之東西

建齋二及膳堂神廚庫湏園悉具立櫺星門二十七年知

縣李琛又於學之東立倉二以儲俸廩貯文冊置廊宇二

南隙地為泮池右為射圃亭正統甲子知縣項備增置

文昌祠景泰壬申都御史韓雍蒞學闢民地以廣之知縣

李恆陳惠謝縉相繼丹牖作仰高亭又數十年寢敝知縣

翟觀嚴緝陳朝慶續新之隆慶壬申堂毀復圯湖廣何公

全命知縣謝汝韶鳩工改建崇禎知縣熊兆禎復修明季

兵燬國朝知縣李一元葺之規制草創順治甲午興屯

道翟鳳翥同知縣王珩重建大殿康熙四年知縣程瀚修

塔凡牆垣俱毀以石學左及前後為兩齋署基明季鞠為

茂草屯道翟以修殿餘村建尊道堂於學左署基之上工

未及竣十年賴紀降復修之因居焉并建三台亭以備臨

眺庶復舊觀郡人史彪古知縣程瀚有記甲寅兵變復圯

知縣胡績顯重修殿廡門時規模尚狹小雍正三年知

縣李登瀛同合邑紳士醵貲鼎建中為大成殿規模宏敞

翼以兩廡各一間殿後爲崇聖祠前爲賢門門之東爲
名宦祠西爲鄉賢祠崇聖祠之東爲祭器庫西爲樂器
庫更西爲明倫堂及訓導署祭器庫之東爲教諭署賢門
前爲櫺星門左禮門右義路教諭署東爲忠義祠前爲節
孝祠祠右爲文昌閣乾隆十四年知縣魏鉅倡眾重修
大成殿前廊易以石柱悉加丹墀六十年署令汪鍾移建
奎星閣於崇聖祠後三台山雍正三年署令劉照恭四
年知縣李杰教諭扶龍訓訓導喻崇勳倡眾移向殿廡又
各祠大加修葺并移建明倫堂於教諭署前堂西爲文
昌閣十八九年間知縣柯輅教諭嚴秉章訓導宗統成率
合邑諸紳重修殿廡祠廊及於明倫堂東改建節孝祠居
後忠義祠居前崇聖祠十五都重建道光三年知縣陳
天爵教諭李曰信訓導鄭大琮倡邑紳張登輿范書紳祝
謨明改換殿柱壹新增泮池園橋暨修池前左右門牆五
年西廡圯范書紳又鼎修之道光二十一年知縣曹燮坤
教諭子應庚同邑紳捐貲增廣翼牆二丈零重建東齋修
葺西齋咸豐六年兵燹同治八年署縣姚暹知縣朱潼教
諭徐彥楠訓導周龍章劉兆杰先後倡捐同邑紳大加修
建大成殿大成門賢門文昌宮明倫堂通行重修
東西兩廡名宦鄉賢忠義節孝四祠先代殿東西兩齋通

行重建 崇聖祠十五都捐貲重建奎星閣舊在三台山
道光年間狂風摧毀今改建東齋頭門外東邊與挹仙峯
並峙各處均加丹漆
金碧輝煌煥然一新

祀典

周敬王四十二年魯哀公卽孔子舊宅建廟以奉祭祀立

廟之始 漢高帝十二年過魯以太牢祀孔子 此用太牢之始 永平二

年詔祀孔子於郡縣學 此祀郡縣學之始 十五年詣闕里祀孔子

及七十二弟子御講堂命皇太子諸生說經 此祀弟子及講書之始

魏正始二年令大常祀孔子於辟雍以顏回配 此祀大學及顏回配

享之始 宋元嘉二十二年太子釋奠舞用六佾樂設軒縣牲

牢祭器悉依上公禮 此用樂舞之始 北齊初詔天下郡學各於坊

內立孔廟此郡學立天保元年制每歲春秋二仲行釋奠

禮每月朔祭酒領博士以下及國子諸學生行拜禮此春秋二

祭朔日行禮之始隋開皇中詔州縣學以春秋仲月上丁釋奠此州

縣丁祭之始唐貞觀四年令天下州縣立廟此各縣立二十年

定州縣學守令為初獻丞佐為亞獻博士為終獻此守令主祭之

始二十一年詔以卜子夏左邱明公羊高穀梁赤伏勝高

堂生戴聖毛萇孔安國劉向鄭眾杜子春馬融盧植鄭康

成服虔何休王肅王弼杜預范甯賈逵二十二人從祀此先

儒從祀之始宋建隆三年詔祭用一品禮廟門立戟十六樂用

永安之曲此稱戟門之始元豐七年詔孟子配享荀況揚雄韓愈

並從祀

此孟子配享之始

大觀元年躋子思從祀四年加立廟門

二十四戟並如王者制度政和四年頒御書大成殿於辟

雍及諸路學

此頒御書之始

淳祐元年以周惇頤張載程顥程頤

與朱熹並從祀景定二年詔張栻呂祖謙從祀咸淳三年

以曾參孔伋並顏孟配享

此四配之始

升顥孫師於十哲司馬

光邵雍並從祀元皇慶二年進許衡從祀至順元年詔漢

儒董仲舒從祀明洪武十七年勅每月朔望郡縣長吏以

下詣學行香

此朔望行香之始

二十九年斥楊雄從祀正統二年

以宋儒胡安國蔡沈真德秀從祀八年以元儒吳澄從祀

十三年增樂舞豆籩之數宏治九年以宋儒楊時從祀嘉

靖九年從大學士張璉議易像以木主題曰

至聖先師孔子神位

此用木主之始

罷公伯察秦冉顏何荀況戴

聖劉向賈逵馬融何休王肅王弼杜預吳澄十三人祀改
林放蘧瑗鄭眾盧植鄭康成服虔范甯七人祀於其鄉增
祀者五人后蒼王通胡瑗陸九淵歐陽修隆慶五年以薛
瑄從祀萬曆十二年以王守仁陳憲章胡居仁從祀四十
二年以宋儒羅從彥李侗從祀

國朝順治元年定每歲春秋仲月上丁日直省府州縣各
行釋奠於先師之禮以地方官主祭陳設禮儀均與國子
監丁祭同二年定謚號爲

大成至聖文宣先師孔子十四年改號爲

至聖先師孔子神位康熙二十三年欽奉

御書萬世師表題額頒懸天下

文廟二十五年奉頒

至聖先師孔子贊二十八年奉頒四子贊勒石學宮四十

九年定直省府州縣二丁致祭凡同城大小武官均照例

入廟行禮頒曲柄黃傘於殿庭五十一年升先賢朱子於

大成殿十哲之次五十四年以宋名臣范仲淹從祀五十

五年題准

欽定樂章

春祭大鍾爲宮倍應鍾起調
秋祭南呂爲宮仲呂起調

迎神奏昭平之章

大哉孔子先覺先知與天地參萬世之師祥徵麟紱韻
咎金絲日月既揭乾坤清夷初獻奏宣平之章 予懷明
德玉振金聲生民未有展也大成俎豆千古春秋上丁清
酒既載其香始升亞獻奏秩平之章 式禮莫愆升堂再
獻響協賁鐺誠孚疊獻肅肅雝雝譽髦斯彥禮陶樂淑相
觀而善終獻奏敘平之章 自古在昔先民有作皮弁祭
菜於論斯樂惟天牖民惟聖時若彝倫攸敘至今木鐸徹
饒奏懿平之章 先師有言祭則受福四海贊宮疇敢不
肅禮成告徹毋疏毋瀆樂所自生中原有菽送神奏德平
之章 鳧繹戔戔洙泗洋洋景行行止流澤無疆聿昭祀

事祀事孔明化我烝民育我膠庠皆取平字之義雍正二年復祀林放蘧瑗秦冉顏何四人爲先賢鄭康成范甯二人爲先儒新增從祀縣直牧皮樂正克公都子萬章公孫丑六人爲先賢蜀漢諸葛亮宋尹焞魏了翁黃幹陳惇何基王柏趙復元金履祥許謙陳澔明羅欽順蔡清

國朝陸隴其十四人爲先儒三年頒造祭器樂器式樣四年欽奉

御書生民未有題額乾隆二年欽奉

御書與天地參題額是年復吳澄從祀三年升有子於東哲卜子之下五年定樂舞用六佾八年定樂章頒發天下

各學宮十三年奉頒四賢贊嘉慶五年欽奉

御書聖集大成題額道光元年欽奉

御書聖協時中題額二年以劉宗周從祀三年以湯斌從

祀五年以黃道周從祀六年以呂坤陸贄從祀八年以孫

奇逢從祀二十三年以文天祥從祀二十九年以謝良佐

從祀咸豐元年欽奉

御書德齊幬覆題額以李綱從祀二年以韓琦從祀三年

以公明儀從祀七年以公孫僑從祀九年以陸秀夫從祀

十年以曹端從事同治元年欽奉

御書聖神天縱題額二年以毛亨方孝孺李柟從祀七年

禮義變從祀

聖祖仁皇帝御製

至聖先師孔子贊并序

康熙二十五年

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰溯前徽堯舜
禹湯文武達而在上兼君師之寄行道之聖人也孔子不
得位窮而在下乘刪述之權明道之聖人也行道者勲業
炳於一朝明道者教思周於百世堯舜文武之後不有孔
子則學術紛淆仁義湮塞斯道之失傳也久矣後之人而

欲探二帝三王之心法以爲治國平天下之準其奚所取
衷焉然則孔子之爲當世一人也審矣朕巡省東國謁祀
闕里仰企滋深敬搦筆而爲之贊曰

清濁有氣剛柔有質聖人參之人極以立行著習察含道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂旣窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆
可晤孔子之道惟中惟庸此心此理千聖所同孔子之德
仁義中正秉彝之好根本天性庶幾夙夜勗哉令圖溯源

承運景臨唐虞載歷庭除式觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖

聖祖仁皇帝御製四賢贊

康熙二十八年

顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行舍藏
王佐之器

曾子贊